



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-02-1-776-24/18

Datum: 29.08.2024. godine

Na osnovu člana 30. tačka h) Poslovnika o radu Općinskog vijeća Tešanj („Službeni glasnik Općine Tešanj“, broj: 03/18), te u skladu sa članom 3. Odluke o izmjeni i dopuni Odluke o utvrđivanju uslova i kriterija za izbor i imenovanje članova radnih tijela Općinskog vijeća Tešanj („Službeni glasnik Općine Tešanj“, broj: 06/24) usvojene na osnovu člana 14. Statuta Općine Tešanj („Službeni glasnik Općine Tešanj“, broj: 11/07) i člana 21., 22. i 30. Poslovnika o radu Općinskog vijeća Tešanj („Službeni glasnik Općine Tešanj“, broj: 03/18), Statutarno-pravna komisija Općinskog vijeća Tešanj na svojoj 18. sjednici održanoj dana 29.08.2024. godine, utvrdila je:

ODLUKU

**o utvrđivanju uslova i kriterija za izbor i imenovanje članova
radnih tijela Općinskog vijeća Tešanj
(Službeni prečišćeni tekst)**

I

Ovom odlukom utvrđuju se uslovi za izbor i imenovanje članova radnih tijela Općinskog vijeća Tešanj. Pod uslovima u smislu ove odluke smatraju se opći i posebni uslovi: stepen obrazovanja, stručno zvanje, radno iskustvo, kao i drugi uslovi utvrđeni ovom odlukom. Ova odluka odnosi se na imenovanje članova u sljedećim stalnim radnim tijelima Općinskog vijeća: Statutarno – pravnu komisiju; Komisiju za praćenje primjene kodeksa ponašanja vijećnika i javnosti rada Vijeća; Komisiju za pitanja mladih i ravnopravnost polova; Komisiju za zaštitu čovjekove okoline; Komisiju za monitoring nad realizacijom Strategije razvoja Općine Tešanj i Komisiju za budžet.

Opći uslovi

II

Kandidat treba da ispunjava sljedeće opće uslove:

1. Da je državljanin Bosne i Hercegovine.
2. Da ima prebivalište na području općine Tešanj.
3. Da mu radni odnos na bilo kojoj razini vlasti u BiH nije prestao po osnovu disciplinske mjere, u period od dvije godine prije objavljivanja javnog poziva.
4. Da nije pod optužbom Međunarodnog suda za bivšu Jugoslaviju (član IX stav 1. Ustava BiH).
5. Da nije osuđivan za krivična djela ili prekršaj koji ga čini nepodobnim za obavljanje dužnosti za koju se kandidira.
6. Da ispunjava uslove u pogledu stručne spreme, kako slijedi:
 - a) Statutarno – pravna komisija - svi članovi treba da imaju visoku stručnu spremu - VII stepen stručne spreme, odnosno visoko obrazovanje prvog ciklusa (koji se vrednuje sa minimalno 180 ECTS bodova) ili drugog ili trećeg ciklusa Bolonjskog sistema studiranja, diploma visokog obrazovanja – pravne struke.
 - b) Komisija za monitoring nad realizacijom Strategije razvoja Općine Tešanj - svi članovi treba da imaju visoku stručnu spremu - VII stepen stručne spreme, odnosno visoko obrazovanje prvog ciklusa (koji se vrednuje sa minimalno 180 ECTS bodova) ili drugog ili trećeg ciklusa

Bolonjskog sistema studiranja, diploma visokog obrazovanja - ekonomske, tehničke ili tehnološke struke.

- c) Komisija za budžet - svi članovi treba da imaju visoku stručnu spremu - VII stepen stručne spremlje, odnosno visoko obrazovanje prvog ciklusa (koji se vrednuje sa minimalno 180 ECTS bodova) ili drugog ili trećeg ciklusa Bolonjskog sistema studiranja, diploma visokog obrazovanja - ekonomske struke.
- d) Komisija za praćenje primjene kodeksa ponašanja vijećnika i javnosti rada Vijeća – članovi sa minimalno IV stepen školske spremlje, sa obavezom da minimalno jedan član komisije ima visoku stručnu spremu - VII stepen stručne spremlje, odnosno visoko obrazovanje prvog ciklusa (koji se vrednuje sa minimalno 180 ECTS bodova) ili drugog ili trećeg ciklusa Bolonjskog sistema studiranja, diploma visokog obrazovanja – pravne struke.
- e) Komisija za pitanja mladih i ravnopravnost polova - članovi sa minimalno IV stepenom školske spremlje tehničkog ili prirodnog smjera, sa obavezom da minimalno jedan član komisije ima visoku stručnu spremu - VII stepen stručne spremlje, odnosno visoko obrazovanje prvog ciklusa (koji se vrednuje sa minimalno 180 ECTS bodova) ili drugog ili trećeg ciklusa Bolonjskog sistema studiranja, diploma visokog obrazovanja – tehničke struke ili drugi fakultet društvenog smjera.
- f) Komisija za zaštitu čovjekove okoline - članovi sa minimalno IV stepenom školske spremlje tehničkog ili prirodnog smjera, sa obavezom da minimalno jedan kandidat ima visoku stručnu spremu - VII stepen stručne spremlje, odnosno visoko obrazovanje prvog ciklusa (koji se vrednuje sa minimalno 180 ECTS bodova) ili drugog ili trećeg ciklusa Bolonjskog sistema studiranja, diploma visokog obrazovanja, smjer zaštite okoliša, ekološke, medicinske, tehničke ili tehnološke struke.

7. Da ima najmanje 3 (tri) godine iskustva, izuzev kandidata iz člana II stav 6. tačka e).

Posebni uslovi

III

Za donošenje konačne rang liste kandidata na osnovu koje će se vršiti predlaganje odluke o izboru članova radnih tijela, pored općih uslova, uzet će se u obzir i posebni uslovi koje budu ispunjavali kandidati, i to:

1. Da ima rezultate i iskustvo u radu iz oblasti koja je u vezi sa nadležnosti jednog od radnih tijela.
2. Da poznaje Statut i Poslovník o radu Općinskog vijeća.

Sačinjavanje rang listi

IV

Kandidati su dužni dostaviti prijavu na propisanom obrascu koji je sastavni dio ove odluke.

Kandidati koji budu ispunjavali Opće uslove propisane ovom odlukom uvrstit će se na listu uspješnih kandidata, a oni kandidati koji ne budu ispunjavali Opće uslove uvrstit će se na listu kandidata koji ne ispunjavaju uslove.

Kod kandidata koji bude ispunjavao Opće uslove uzet će se u obzir i Posebni uslovi iz ove odluke, od čega će zavistiti i konačno rangiranje na listi uspješnih kandidata.

Konačno imenovanje članova radnih tijela vršit će u skladu sa rang listom.

Izborni postupak i imenovanje

V

Proceduru za izbor članova radnih tijela provodi Komisija za izbor i imenovanje Općinskog vijeća Tešanj (u daljem tekstu Komisija), koja će dokaz iz člana II stav (1) tačka 1. i 2. provjeriti po službenoj dužnosti, a dokaze iz člana II stav (1) tačka 3., 4. i 5. kandidati će dati u formi izjave koja se nalazi na obrascu iz člana IV.

Javni poziv za dostavljanje prijava objavljuje se na zvaničnoj internet stranici Općine Tešanj, lokalnim medijima sa kojima Općina Tešanj ima potpisan ugovor i oglasnoj ploči.

Javni poziv ostaje otvoren minimalno 10 dana od dana objavljivanja.

VI

Po zatvaranju javnog poziva Komisija razmatra dostavljene prijave i utvrđuje rang liste.

U slučaju da se na javni poziv prijave kandidati sa sličnim ili istim kvalifikacijama, Komisija će organizovati intervju sa tim kandidatima, a kako bi se donijela što kvalitetnija odluka.

Komisija o provedenoj proceduri podnosi izvještaj Općinskom vijeću Tešanj sa prijedlogom članova za imenovanje sa utvrđene rang liste uspješnih kandidata, vodeći računa o ravnomjernoj zastupljenosti oba pola.

Mandat članova radnih tijela imenovanih od aktuelnog saziva Općinskog vijeća traje koliko i mandat Općinskog vijeća, odnosno do imenovanja novih radnih tijela od strane novog saziva Općinskog vijeća.

VII

U slučaju da neki od članova radnih tijela prestane sa radom u radnom tijelu, Općinsko vijeće će na upražnjeno mjesto imenovati sljedećeg kandidata sa usvojene rang liste uspješnih kandidata, a na prijedlog Komisije, a ukoliko nema kandidata na listi uspješnih, popuna se vrši javnim pozivom.

U slučaju kada se na javni poziv ne prijavi dovoljan broj kandidata ili kada u slučaju kada naknadnu popunu upražnjenih mjesta nije moguće izvršiti sa rang liste uspješnih kandidata, privremeno se za člana radnog tijela može imenovati i član iz reda vijećnika. Privremeno imenovanje vijećnika vrši se na period ne duži od 6 mjeseci i izuzetno se može produžiti za dodatnih 6 mjeseci, a kako se ne bi ugrozilo funkcionisanje radnih tijela.

Podnošenje prigovora

VIII

Prigovor na proceduru izbora člana radnog tijela podnosi se Drugostepenoj općinskoj komisiji za postupanje po žalbama i prestavkama.

IX

Zadužuje se Statutarno-pravna komisija Općinskog vijeća da provede utvrđivanje prečišćenog teksta Odluke o utvrđivanju uslova i kriterija za izbor i imenovanje članova radnih tijela Općinskog vijeća Tešanj.

Ova odluka stupa na narednog dana od dana objavljivanja u "Službenom glasniku Općine Tešanj".

OPĆINA TEŠANJ
OPĆINSKO VIJEĆE

STATUTARNO-PРАВNA KOMISIЈA
Predsjednik, Haris Agić



Haris Agić